

REGULAMENTO ELECTORAL

**Para a elección a membros da
Asemblea Xeral, Presidente e Comisión
Delegada da Federación Galega de
Tenis de Mesa**

Santiago de Compostela, de Xullo de 2014

Artigo 1. Obxecto da normativa

En aplicación do disposto na Lei 3/2012, do 2 de abril, do deporte de Galicia, e na Orde do 8 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e a realización dos procesos electorais nas Federacións Deportivas Galegas, confeccionase a seguinte normativa que regula o proceso de elección dos órganos de goberno: Asamblea xeral, Presidente e Comisión Delegada, da Federación Galega de Tennis de Mesa, con representatividade durante o período 2014 a 2018.

Artigo 2. Celebración de eleccións

A Federación Galega de Tennis de Mesa procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: desde as 19:00 ata as 22:00 horas.

Artigo 3. Regulamento electoral provisional e definitivo

Unha vez aprobado o regulamento electoral por parte da Asemblea Xeral da Federación Galega de Tennis de Mesa será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán dez días hábiles para proceder a dita corrección.

A Asemblea Xeral da Federación Galega de Tennis de Mesa, no caso que houbera que subsanar algunha deficiencia no mesmo regulamento electoral, delega e autoriza á Xunta Directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións, o novo regulamento presentarase á Secretaría xeral para o deporte para a súa ratificación definitiva.

Artigo 4. Censo electoral

1. O censo electoral (ANEXO III) incluírá aos deportistas, técnicos/adestradores, xuíces/árbitros e entidades deportivas inscritas na federación e no Rexistro de Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Inclúiranse os seguintes datos:

- a) Para os/as deportistas, adestradores e xuíces/árbitros: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertezan, ou no seu caso tamén respecto do estamento de xuíces/árbitros, o que a estos efectos indiquen a Federación. No período de reclamacións ao censo provisional poderase solicitar o cambio de domicilio.
 - b) Para as entidades deportivas: nome, denominación ou razón social e número de inscrición no Rexistro de Entidades Deportivas de Galicia, así como o nome e apelidos do presidente e secretario. Os datos dos clubs deberán ser plenamente coincidentes cos datos contidos no Rexistro de Entidades Deportivas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Entidades Deportivas de Galicia, establecerase un prazo de 10 días para a súa subsanación.
- 2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da Federación Galega de Tenis de Mesa e das Delegacións federativas, así como na páxina web de Federación (www.fgtm.es) e na web da Administración autonómica.
 - 3. O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.
 - 4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela. Os candidatos proclamados poderán dispoñer do respectivo censo de persoas que compoñen o seu estamento e, no caso dos candidatos á presidencia, das persoas que conforman a assemblea.

Artigo 5. Xunta electoral

- 1. O mesmo día da convocatoria de eleccións, constituirase a Xunta Electoral e disolverase unha vez concluídos todos os procesos electorais.
- 2. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da xunta deberán reunir os requisitos seguintes:

- a) Ser maior de 18 anos.
 - b) Ter o título de bacharelato superior ou equivalente.
 - c) Non presentarse como candidato a membro da asemblea xeral.
 - d) Non ter relación contractual ou profesional coa Federación Galega de Tenis de Mesa.
 - e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.
3. No caso de non presentación de candidatos a membros da xunta electoral, o presidente da federación proporalle á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.
4. De acordo co establecido neste artigo resultan elexidos os seguintes membros:
- Titulares:
 - D. Isabel Rodríguez Piñón
 - D. Antonio Casal Sixto
 - D. Luis Alberto Puga Trigás
 - Suplentes:
 - Suplente 1º: D. José Andrés Nodar Elicechea
 - Suplente 2º: D. Belén Horjales
 - Suplente 3º: D. José Yáñez Pato
5. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioría de votos. A asistencia á xunta electoral é obrigatoria salvo causa xustificada.
6. Funcións da xunta electoral:
- a) Velar polo axustamento a dereito do proceso electoral dos órganos de goberno e representación federativos.
 - b) Organizar os procesos das eleccións para a asemblea xeral e presidente da federación, segundo o disposto neste regulamento electoral.
 - c) Designar as mesas electorais de conformidade co previsto neste regulamento electoral.
 - d) Aprobar as candidaturas que reúnan os requisitos esixidos, así como o resto da documentación electoral.
 - e) Garantir a exposición de censos, candidaturas e outros documentos según se estableza neste regulamento electoral.
 - f) Coñecer e pronunciarse sobre os recursos que se presenten.
 - g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
 - h) En xeral, cantas facultades lle sexan atribuídas por este regulamento electoral.

Artigo 6. Mesa electoral: composición e competencias.

1. En cada Delegación Territorial constituirase unha única mesa electoral para a elección dos membros da asemblea no día fixado. O horario de apertura das mesas será o seguinte: das 19:00 horas ata as 22:00 horas e ubicaranse nos seguintes lugares:
- Delegación de Ferrolterra: Local Social A Solaina, Rúa Mercedes Freire Lago, nº 4, Narón

Delegación de Santiago: Local de xogo do Arteal T.M. no Estadio Multiusos de San Lázaro - Santiago
Delegación de A Coruña: S.D. Hípica, Avenida do Metrosidero s/n – A Coruña
Delegación de Lugo: Pavillón de Tenis de Mesa de Frigsa (ao lado da piscina), R/Monte Faro s/n, Lugo
Delegación de Ourense: Pazo Paco Paz, Finca Sevilla, nº 41 - Ourense
Delegación de Rías Baixas: Pavillón Santo Tomé, Rúa Olmos s/n, Cambados
Delegación de Vigo: Local Social FGTM. Luis Ksado nº 17 Oficina 20. Vigo

As mesas electorais estarán compostas por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. A efectos de remisión do voto por correo, establécese como mesas para a recepción deste voto as das Delegacións Territoriais sinaladas no parágrafo 1 deste artigo.

3. Son competencias da mesa electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.

4. O acta será subscrita por todos os membros da mesa electoral, así como polos interventores, se os houbera, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web www.fgtm.es. No acta reflectiranse os seguintes datos:

- Estamento ó que corresponde a votación.
- Número de votantes que figuran no censo.
- Número de votos emitidos.
- Número de votos nulos.
- Número de votos en branco.
- Número de votos que obtivo cada candidato.
- Incidencias e resolucións adoptadas, se as houbese.
- Impugnacións, se as houbese.
- Nome e sinatura do Secretario, do Vogal e do Presidente.
- Nome e sinatura dos interventores, se os houbera.

5. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

6. Os gastos de desprazamentos dos membros das mesas electorais serán sufragados pola Federación Galega de Tennis de Mesa a razón de 0,19 euros/km percorrido.

Artigo 7. Convocatoria de eleccións

1. A convocatoria das eleccións será feita polo Presidente da Federación Galega de TENIS DE MESA o día 20 de Agosto de 2014, conforme a este regulamento electoral, aprobado pola Secretaría Xeral para o Deporte.

2. Simultaneamente á convocatoria de eleccións, a xunta directiva disolverase, constituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web www.fgtm.es. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:

- a) Regulamento electoral.
- b) Calendario electoral con indicación do lugar, data e hora de celebración dos actos propios do proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da xunta electoral da Federación.

4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes desta federación e á Secretaría xeral para o deporte.

Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tela tido na tempada deportiva anterior á data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de clubs: aqueles clubs, que estean inscritos, no ano da convocatoria das eleccións, na federación e no Rexistro de Entidades Deportivas de Galicia e teñan participado en competicións deportivas. A estes efectos e, con carácter mínimo, deberán de ter participado en catro competicións entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non será elixibles aqueles clubs que formen parte da asemblea na súa condición de membros natos.

2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea xeral.

3. Os membros da federación que pertenzan a dous ou mais estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo. De non mediar tal escrito, a xunta electoral procederá a dalo de baixa no censo ou censos correspondentes, de tal xeito que prevaleza a condición de adestrador sobre a de árbitro e/ou xogador e a de árbitro sobre a de xogador.

Artigo 9. Composición da Asemblea xeral

1. O número de membros da asemblea xeral será 40, en aplicación do artigo 10, do presente regulamento electoral. O presidente da federación desempeñará a presidencia da asemblea xeral.

2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de clubs, por e entre os compoñentes de cada estamento de conformidade co número e proporcións de representación que se establecen no presente regulamento.

3. Na asemblea xeral deberán estar representados todos os estamentos recoñecidos nos estatutos e integrados na federación e, cando menos, as entidades deportivas, os deportistas, os adestradores e os árbitros/xuíces.

4. No estamento de clubs haberá membros natos e membros electos.

5. A representación dos clubs corresponde ao seu presidente ou persoa que conforme estatutos lle corresponda. Esta representación acreditarase fidelignamente mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.

6. Non cabe representación das persoas físicas.

7. Ningún membro da asemblea poderá desempeñar unha dobre representación nesta.

8. A Federación Galega de Tenis de Mesa axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).

Artigo 10. Proporcionalidade na composición da Asemblea xeral

1. A porcentaxe de cada estamento é:

- a) Representantes de asociacións deportivas: 70 %
- b) Representantes de deportistas: 20 %
- c) Representantes de adestradores: 5 %
- d) Representantes de xuíces: 5 %

2. A representación mínima do estamento de asociacións deportivas na asemblea xeral da Federación Galega de Tennis de Mesa deberá ser do 50% do censo definitivo de clubs, incluíndo os membros natos. Tendo en conta o número de asociacións deportivas que figuran no censo e o establecido nos Estatutos de FGTM, o reparto de prazas na asemblea por estamentos será o seguinte: 28 asociacións deportivas, 8 xogadores, 2 adestradores e 2 xuíces.

En calquera caso todos os clubs deberán necesariamente cumprir os requisitos que para eles se establece no artigo 8 deste regulamento.

Se o censo definitivo de entidades deportivas acadase a cifra de 57 ou máis, a Xunta electoral establecerá o número concreto de prazas para cada estamento coa finalidade de que se cumpra a porcentaxe mínima do 50% de clubs representados na asemblea. Neste suposto as porcentaxes dos outros estamentos non poderán ser inferiores aos indicados no apartado 1 deste artigo.

4. Establécese para todos os estamentos unha única circunscrición electoral que coincide co ámbito territorial da Comunidade de Galicia.

5. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral. No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da Asemblea Xeral polo estamento de clubs

Conforme o establecido na Orde do 8 de setembro de 2010, establécese como baremo para a designación dos membros natos da asemblea xeral o seguinte:

Para determinar o número de licenzas, contabilizarase as de xogadores, adestradores e delegados da tempada 2013-2014.

Para determinar o maior número de actuacións, adxudicarase un punto por cada equipo participante en campionatos galegos e en campionatos de España e 3 puntos por cada equipo en ligas nacionais e galegas.

As competicións a contabilizar serán as da tempada 2013-2014.

No prazo que media desde a aprobación de este regulamento ata a data de publicación dos censos provisionais, a FGTM aplicará o anterior baremo, e os resultados publicaranse na mesma data que os censos provisionais para poder formular ante a Xunta Electoral as posibles reclamacións.

Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establécese un prazo de 3 días hábiles a contar dende a publicación do censo definitivo.

2. As solicitudes faranse mediante presentación de escrito firmado no que consten:

- Nome e apelidos
- Dirección completa (domicilio, localidade, provincia, código postal, e-mail)
- Teléfono
- Data de nacemento
- Número do DNI
- Estamento polo que se presenta.

No caso de Entidades Deportivas o escrito deberá ir firmado polo secretario da mesma ou persoa autorizada para elo, facendo constar os seguintes datos:

- Nome da Entidade Deportiva.
- Dirección completa (domicilio, localidade, provincia, código postal, e-mail)
- Teléfono.
- Estamento polo que se presenta.
- Nome da persoa que o representará ante a Federación.
- Circunscrición electoral pola que se presenta.

3. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web www.fgtm.es. Haberá un prazo de 2 días hábiles, para a presentación de posibles reclamacións ante a Xunta electoral.

4. Unha vez resoltas as posibles reclamacións si as houbera, procederase á proclamación definitiva de candidatos.

Artigo 13. Sistema de votación a membros da Asemblea xeral

1. A votación a membros da asemblea realizarase en urnas separadas por estamentos. A votación desenvolverase sen interrupcións desde as 19:00 h ata as 22:00 horas. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das entidades deportivas a representación corresponde ao seu presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de Entidades Deportivas de Galicia, na que figure expresamente os representantes legais da entidade.

Se un membro electo da Asemblea perdera a condición pola que foi elixido, causará baixa automaticamente naquela, procedéndose á súa substitución polos reservas, que serán os que habéndose presentado como candidatos non resultaran elixidos. Respetarase a orde establecida polo maior número de votos obtidos.

Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.

2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.

3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a anotación correspondente no censo e extendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría xeral para o deporte.

A xunta electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urxente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría xeral para o deporte, publicándose asemade na páxina web www.fgtm.es

4. O elector introducirá a papeleta de voto no sobre da votación e pecharao. Incluír este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría xeral para o deporte para a súa custodia, por correo certificado urxente, consignándose no anverso e reverso do mesmo os seguintes datos:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Tenis de Mesa

Reverso:

Nome e apelidos do remitente
Estamento de Xogadores, ou Adestradores, ou Xuíces (**indicarase só o que proceda**)
Circunscrición electoral pola que se exerce o voto

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría xeral para o deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a presidente

1. No prazo de 2 días hábiles dende a proclamación definitiva de membros da Asamblea xeral, poderá presentar candidatura a presidente da federación calquera persoa física, sen que teña que ser membro da asemblea xeral. A persoa que resulte elixida como presidente non poderá desempeñar ningunha outra actividade directiva ou de representación dentro da propia estrutura federativa. Non se poderá simultanear a presidencia dun club deportivo coa presidencia da federación deportiva na que se integre o dito club.

Se algún membro da comisión xestora presentase a súa candidatura á presidencia, deberá cesar naquela.

2. A presentación de candidaturas farase na sede oficial da secretaría da federación, Local Social da FGTM. C/ Luis Ksado nº 17, Oficina 20. C.P. 36209 Vigo (Pontevedra), mediante escrito dirixido á xunta electoral, facendo constar a condición de membro de pleno dereito da asemblea xeral.

3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web www.fgtm.es. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 2 días hábiles.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.

Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente e a membros da Comisión delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.

2. Na votación á elección de presidente non se admitirá o voto por correo nin a delegación de voto. A representación das entidades deportivas realizarase conforme o establecido no artigo 9 parágrafo quinto, non admitíndose que unha persoa ostente a representación de mais dunha entidade deportiva.

3. Comezada a sesión e constituída a mesa electoral, o presidente presentará os candidatos. iniciando, de seguido, o proceso de votación.

4. Os candidatos exporán os seus programas, se o desaxan, procedéndose posteriormente á votación en urna para a elección do presidente, que será secreta.

5. A Xunta Electoral determinará o modelo de papeleta. Cada membro da Asemblea só poderá votar a un candidato.

6. O proceso de votación está formado por un máximo de tres votacións.

- a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.
- b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
- c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no prazo de unha hora desde a votación anterior, resultando elixido o que obteña maioría de votos.
7. Terminada cada unha das votacións realizadas, a mesa electoral procederá á contaxe de votos e levantará o oportuno acta.
8. No caso de existir soamente dous candidatos, resultará elixido o que obteña a maioría simple dos votos. No caso de empate resultará elixido aquel que teña maior idade, e se este criterio non resolverse o empate, desempatearíase por sorteo.
9. No caso de que se presentase un só candidato, non se efectuará votación.
10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.
11. Rematada a elección, o acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ao candidato máis votado e comunicará os resultados á Secretaría xeral para o deporte no prazo máximo de 10 días.
12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da documentación entregada e remitíndolle copia desta á Secretaría xeral para o deporte.
13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu nomeamento.

Artigo 17. Elección de membros da comisión delegada

A comisión delegada será elixida entre e pola asemblea xeral mediante sufraxio libre, igual, directo e secreto entre os seus membros. O seu mandato coincidirá co da asemblea xeral.

A Comisión Delegada estará formada polo Presidente da Federación Galega de Tennis de Mesa como membro nato desta, quen exercerá a presidencia da mesma, e por 10 membros electos, dos cales, 6 pertencentes ao estamento de entidades deportivas, 2 ao de xogadores, 1 ao de árbitros e 1 ao de adestradores, manténdose deste modo a representatividade dos distintos estamentos dentro dos marxes establecidos para a Asemblea Xeral.

O procedemento para a súa elección será o seguinte:

Finalizada a elección de Presidente da Federación Galega de Tennis de Mesa, o Presidente da Mesa Electoral dará un prazo de 20 minutos para a presentación de candidatos.

Os candidatos terán que ser membros electos da Asemblea Xeral por calquera dos 4 estamentos, podendo ser unha entidade deportiva, un xogador, un adestrador ou un árbitro.

Finalizado o prazo de 20 minutos para a presentación de candidatos o Presidente da Mesa Electoral, dará a coñecer a relación de candidatos.

A continuación procederase a realizar as votacións que estarán controladas pola mesma Mesa Electoral que actuou nas eleccións a Presidente da Federación.

- a. Faranse 4 votacións diferenciadas para elixir en cada unha delas aos representantes dos diferentes estamentos.
- b. No caso de que se presenten máis candidatos que prazas, procederase a realizar as votacións e para elo cada membro da Asemblea poderá sinalar na súa papeleta de votación ata un máximo de 4 representantes do estamento clubs e 1 representante en cada unha dos outros tres estamentos.
- c. No caso de que se presenten menor ou igual número de candidatos que prazas, estes resultarán automaticamente elixidos e a Xunta Electoral proclamaraos membros da Comisión Delegada sen necesidade de realizar votacións..
- d. Se quedasen vacantes debido a que o número de candidatos fose inferior ao de prazas ou porque despois de realizar as votacións non se cubriran todas as prazas, e coa finalidade de completar as 10 prazas, realizarase a continuación unha votación na que serán candidatos os restantes membros da Asemblea Xeral. Nesta votación só se sinalará un candidato na papeleta de votación. Os membros así elixidos quedan obrigados a cumprir coas obrigacións correspondentes.
- e. En caso de empate entre membros do mesmo estamento terá preferencia o de maior idade e de persistir o empate resolveríase por sorteo.
- f. O Secretario da Mesa Electoral levantará acta da sesión, que será remitida á Xunta Electoral, na que se farán constar os seguintes datos:
 - Membros que compoñen a Mesa Electoral.
 - Número de electores asistentes.
 - Número de electores votantes.
 - Papeletas válidas.
 - Papeletas nulas e papeletas en branco.
 - Votos obtidos por cada candidato.
 - Incidencias ocorridas durante a elección.
 - Reclamacións que se formule como consecuencia da mesma.

Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o

Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.

Os recursos ante a Xunta electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama...), na sede da secretaría da federación, mediante escrito dirixido ao presidente da Xunta electoral.

Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou na Orde do 8 de setembro de 2010 se establezan outros distintos.

Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpoñer o recurso quen fose parte na impugnación ante a xunta electoral federativa ou as persoas interesadas directamente polo seu acordo ou resolución..

2. O prazo de interposición do recurso electoral ante o Comité Galego de Xustiza Deportiva será de tres días hábiles contados dende o seguinte ao da notificación da resolución ou acordo obxecto de recurso ou, se fose o caso, dente o momento no que se produza a desestimación tácita da reclamación electoral presentada.

3. O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.

Anexo I. Calendario electoral

12-08-2014	Comunicación da convocatoria ás entidades deportivas e a Secretaría Xeral para o Deporte.
20-08-2014	Convocatoria eleccións. Publicación do Regulamento electoral. Publicación do Calendario electoral. Publicación dos Censos provisionais. Inicio do prazo para reclamacións ao censo e/ou modificación de datos. Inicio do prazo para que as persoas que figuren en dous ou máis censos opten ante a Xunta Electoral por cal deles desexen participar no proceso electoral. Inicio do prazo para renunciar a ser membro nato polo estamento de entidades deportivas. Inicio do prazo para solicitar o voto por correo.
03-09-2014	Fin do prazo para reclamacións ao censo e/ou modificación de datos. Fin do prazo para renunciar a ser membro nato polo estamento de entidades deportivas. Fin do prazo para que as persoas que figuren en dous ou máis censos opten ante a Xunta Electoral por cal deles queren participar no proceso electoral.
05-09-2014	Resolución das reclamacións e exposición dos Censos definitivos, con concreción das prazas que corresponden a cada estamento. Inicio do prazo para presentación de candidatos a membros da Asemblea.
08-09-2014	Fin do prazo petición do exercicio do voto por correo.
10-09-2014	Fin do prazo de presentación de candidatos á Asemblea.
12-09-2014	Publicación das listas provisionais de candidatos á Asemblea. Publicación da lista de persoas autorizadas ao voto por correo, e envío da mesma á Secretaría Xeral para o Deporte. Inicio do prazo de reclamación ás listas provisionais de candidatos á Asemblea.
13-09-2014	Fin do prazo de reclamación ás listas provisionais de candidatos á Asemblea.
15-09-2014	Sorteo para determinar os membros das diferentes mesas electorais.
16-09-2014	Publicación dos resultados das composicións das mesas electorais. Resolución das reclamacións presentadas e publicación das listas definitivas de candidatos á Asemblea.
18-09-2014	Fin do prazo para remitir aos solicitantes os papeis para o voto por correo.
22-09-2014	Fin do prazo para depositar os votos en correos.
29-09-2014	Fin do prazo para comunicación dos interventores.
02-10-2014	Votación a membros da Asemblea.
06-10-2014	Proclamación provisional dos resultados das votacións a membros da Asemblea. Inicio do prazo de reclamacións aos resultados provisionais.
08-10-2014	Fin do prazo de reclamacións aos resultados das votacións a membros da Asemblea.

09-10-2014	Convocatoria da Asemblea para celebrala o 22 de outubro.
13-10-2014	Resolución das reclamacións e publicación da lista definitiva de Membros electos da Asemblea.
	Inicio Presentación de candidatos a Presidente.
15-10-2014	Fin Presentación de candidatos a Presidente.
16-10-2014	Proclamación provisional de candidatos a Presidente.
17-10-2014	Inicio do prazo de reclamacións á lista provisional de candidatos a presidente.
18-10-2014	Fin do prazo de reclamacións á lista provisional de candidatos a presidente.
20-10-2014	Resolución das reclamacións á lista provisional de candidatos a presidente.
21-10-2014	Publicación da lista definitiva de candidatos a presidente.
22-10-2014	Votación a Presidente e membros da Comisión Delegada.
23-10-2014	Proclamación provisional do Presidente e dos membros da Comisión Delegada.
	Inicio do prazo de reclamacións aos resultados provisionais da elección de Presidente e Comisión Delegada.
24-10-2014	Fin do prazo de reclamacións aos resultados provisionais da elección de Presidente e Comisión Delegada.
27-10-2014	Resolución das reclamacións presentadas e publicación dos resultados definitivos.

Anexo II. Modelos de sobres e papeletas

**Sobres brancos de 17,5 X 12 cm, según o modelo que se
adxunta a continuación:**

ELECCIÓN 2014



**ELECCIÓN A ASEMBLEA XERAL DA
FEDERACIÓN GALEGA DE TENIS DE MESA**

ESTAMENTO DE DEPORTISTAS

**ESTAMENTO DE ENTIDADES DEPORTIVAS
ESTAMENTO DE DEPORTISTAS
ESTAMENTO DE TÉCNICOS
ESTAMENTO DE XUÍCES E ÁRBITROS**



ELECCIÓN A MEMBROS DA ASEMBLEA EN REPRESENTACIÓN DO

ESTAMENTO DE XOGADORES

Dou meu voto a os xogadores da seguinte relación que están sinalados con unha cruz:

[illegible]

Notas importantes:

- Pódese sinalar ata un MÁXIMO DE OITO candidatos.
- Si se sinalan MÁIS DE OITO candidatos a papeleta será nula.
- Pódese sinalar MENOS DE OITO candidatos, sendo válida a papeleta.
- Si non se sinala ningún candidato a papeleta será considerada voto en branco.
- Non escriba nada na papeleta agás as cruces nos cadros da primeira columna da táboa.



ELECCIÓN 2014

ELECCIÓN A MEMBROS DA ASEMBLEA EN REPRESENTACIÓN DO

ESTAMENTO DE XUCES E ÁRBITROS

Dou meu voto a o árbitro da seguinte relación que está sinalado con unha cruz:

Notas importantes:

- Pódese sinalar ata un MÁXIMO DE DOUS candidatos.
- Si se sinalan MÁIS DE DOUS candidatos a papeleta será nula.
- Pódese sinalar MENOS DE DOUS candidatos, sendo válida a papeleta.
- Si non se sinala ningún candidato a papeleta será considerada voto en branco.
- Non escriba nada na papeleta agás as cruces nos cadros da primeira columna da táboa.



ELECCIÓN 2014

ELECCIÓN A MEMBROS DA ASEMBLEA EN REPRESENTACIÓN DO

ESTAMENTO DE ADESTRADORES

Dou meu voto a o adestrador da seguinte relación que está sinalado con unha cruz:

Notas importantes:

- Pódese sinalar ata un MÁXIMO DE DOUS candidatos.
- Si se sinalan MÁIS DE DOUS candidatos a papeleta será nula.
- Pódese sinalar MENOS DE DOUS candidatos, sendo válida a papeleta.
- Si non se sinala ningún candidato a papeleta será considerada voto en branco.
- Non escriba nada na papeleta agás as cruces nos cadros da primeira columna da táboa.



ELECCIÓN A MEMBROS DA ASEMBLEA EN REPRESENTACIÓN DO

ESTAMENTO DE ENTIDADES DEPORTIVAS

Dou meu voto as entidades deportivas da seguinte relación que están sinaladas con unha cruz:

[illegible]

Notas importantes:

- Pódese sinalar ata un MÁXIMO DE QUINCE candidatos.
- Si se sinalan MÁIS DE QUINCE candidatos a papeleta será nula.
- Pódese sinalar MENOS DE QUINCE candidatos, sendo válida a papeleta.
- Si non se sinala ningún candidato a papeleta será considerada voto en branco.
- Non escriba nada na papeleta agás as cruces nos cadros da primeira columna da táboa.

Anexo III. Censos

Os censos van en follas adxuntas